



# JNUNPAZ-T-L

JURNAL UNPAZ TIMOR-LESTE  
UNPAZ

Vol. 02, Issue, 12, pp.01-..... 2023



ORIGINAL ARTIKLU PESKIZA

HODI ASSESU

ANÁLIZA JURÍDICA BA INPLEMENTASAUN SIDADANIA HAKTUIR LEI NÚ 9/2002

Tito Manuel Jubiléu dos Reis,<sup>2</sup>Octavio da Conseqüência,<sup>3</sup>Tito Maia dos Reis

<sup>1</sup>Lisensiada Direitu, Universidade da Paz, Timor Leste

<sup>2</sup>Dosente Fakultade Direitu, Universidade da Paz, Timor Leste

<sup>3</sup>Dosente Fakultade Direitu, Universidade da Paz, Timor Leste

INFORMASA UN ARTIKLU	ABSTRATU
	<p>Peskiza ida ne'e sai oportunitade ba peskizador bele indentifika problema sira ne'ebe sai polimika ba sidadaun sira iha Repúblika Demokrátika Timór-Leste tamba ne'e Konstituisaun Repúblika Demokrátika Timor-Leste iha artigu 3 ne'ebe garante sidadaun sira nia direitu ho diver hanesan sidadaun nanis ho sidadaun husun, Timor-Leste iha sidadaun nanis mak hanesan Sidadaun ne'ebé moris nanis iha Timor ka sidadaun ne'ebé moris iha nasaun seluk maibe inan ka aman sidadaun timoroan, Sidadaun husun mak hanesan sidadaun ne'ebé la moris iha Timor-Leste maibe sira mai hela iha Timor-Leste sidadaun ne'e ho vontade husu nasionalidade Timoroan liu husi naturaliza ho kazementu maibe sira prejsa prenze rekeztus ne'ebé estabesele ona iha Diresaun Geral Servisu Rejistu Notariadu (DGSRN), iha Ministeriu Justisa (MJ) atu nune'e sira bele hetan Protesaun husi Estadu Republika Demokratika Timor-Leste no mos Konstituisaun Repúblika Demokrátika Timor-Leste iha artigu 3 hamosu lei nú 9/2002 mos la limita Sidadaun nanis sira ho vontade hodi halakon nasionalidade Timoroan no sidadaun Timoroan ne'ebé lakon ona nasionalidade Timoroan bele hetan fila fali nasionalidade Timoroan.</p> <p>Iha peskiza ida ne'e Peskizadór indentifika formulasaun problema iha parte rua mak hanesan:</p> <ol style="list-style-type: none"> <li>Tamba saida mak sidadaun adkirida ka sidadaun husun la iha direitu kandidatu ba Presedenti Repúblika Timor-Leste.</li> <li>Oinsa ho sidadaun husun no sidadaun nanis nia prosesu uain-hira atu hetan no lakon nasionalidade tuir lei n<sup>o</sup> 9/2002.</li> </ol> <p>Fundamentu teoria ne'ebé peskizador utiliza mak hanesan Teoria Estadu Direitu, Teoria Demokrasia, Teoria Konstituisaun, Teoria Kompetensia, Konseitu Direitu, Konseitu Sidadania, Prinsipiu Legalidade, prinsipiu Sidadania, prinsipiu Direitus Umanus</p> <p>Metodu ne'ebé peskizador utiliza hodi responde ba problema ne'ebé mak iha topiku ne'e mak peskizadór utiliza metodologia Normativu liu husi tipu abordagem bazeia ba leis no abordagem bazeia ba analiza ho konsuetualidade husi rezultadu peskiza ida ne'e atu hatene lo'os Sidadaun nanis ho Sidadaun husun nia direitu ho dever iha Estadu Repúblika Demokrátika Timor-Leste ne'ebe mak Estadu Timor-Leste garante.</p> <p>No mós iha kapitulu II, revizaun biblioteka, kapitulu III, Sidadaun husun laiha Direitu kandidatu ba presidenti Repúblika Demokrátika Timor-Leste (RDTL).</p> <p>Kapitulu IV Oinsa ho sidadaun husun no sidadaun nanis nia prosesu uain-hira atu hetan no lakon nasionalidade tuir lei n<sup>o</sup> 9/2002, Kapitulu V, Rekomendasaun ho Konkluzaun</p> <p>Liafuan xave: "Direitu ho Dever nu'udar Sidadaun Timor-Leste"</p>

## KAPÍTULU I Introdusaun

Timor-Leste ohin loron hamrik indenpendéti nu'udár nasaun Repúblika Demokrátika Timor-Leste (RDTL) iha mundu internasional maibé liu husi prosesu ida ne'ebé naruk tebes husi tempu kolonial portugés no mós iha tempu Invasaun Indonésia ne'ebé nasaun husi Portugal ho Indonésia mai kolonia no invade iha Timor-Leste hodi hamate ema rihun ba rihun iha rai ida ne'e iha tinan 1512 to'o tinan 1974 durasaun tinan 450 (Atus ha'at Lima Nulu), Depois Nasaun Indonésia kontinua invade ka okupasaun illegal iha Timor-Leste iha loron 07 fulan Dezembru tinan 1975 to'o tinan 1999 iha Timor-Leste ho durasaun tinan 24 (Rua Nulu Resin Ha'at) prosesu ida ne'ebé la fasil ita nia Heroi no heroína rihun ba rihun no maluk Timor oan sira hotu ne'ebé sakrifika sira nia a'an tomak no terus ba rai doben Timor-Leste. Tamba deit hakarak mate ka moris ukun rasik a'an ohin loron sira liberta ona patria ne'ebé termina husi povu iha loron 30 fulan agustu tinan 1999 hodi hili referendu atu nune'e hodi sai husi invasaun ka okupasaun ilegal nia le'et ne'ebé ohin loron ita restaura indenpendensia iha loron 20 fulan maiu tinan 2002 hodi hamrik hanesan nasaun ida ne'ebé indenpendente no soberania. Nasaun ida ne'ebé hetan ona nia soberania konsertesa iha ona rai, tasi, aero, ne'ebé mak haktu'ur lolos ona iha ita nia konstitusional.

Konstituisaun Repúblika Demokrátiku Timor-Leste (KRDTL) mós iha ona garante ba sidadaun sira nia nasionalidade nu'udár elementu husi Direitu no Dever ba sidadaun sira hotu tuir konstitusional artigu 3 (sidadania) no mós iha direitu no obrigasaun hanesan iha rai doben Timor-Leste tamba ne'e lei hakerek ne'ebé mak husi ita nia lejisladór sira husi primeiru governu konstitusional ne'ebé lidera husi ita nia assembleia konstituente iha parlamentu nasional atu bele proteje sidadaun hotu-hotu nia nasionalidade direitu no dever konsertesa katak estadu ida ne'e rekoñese valorisa no garante sidadaun hotu-hotu iha rai doben Timor-Leste uain-hira sidadaun ida hakarak hetan nia direitu no dever iha nasaun ida ne'e ita koalia kona ba direitu ita koalia mos kona ba dever nu'udár sidadaun ba iha estadu Repúblika Demokrátiku Timor-Leste. Koalia kona ba direitu sidadaun iha estadu direitu demokrátiku ida ne'e, koalia mós kona-ba dever sidadaun husi estadu direitu demokrátiku ida ne'e tamba direitu ho dever fahe ba parte rua mak hanesan Direitu no Dever Direitu sidadaun no dever sidadaun ne'ebé estadu garante tuir prinsipiu universal no padraun legal sira kria politka hodi fó kondisaun dignu ba ninia sidadaun hodi moris iha kondisaun ne'ebé adekuaudu hodi nune'e sira bele goja sira nia direitu sivil, politika, ekonomia sosial no kultural. Direitu maka hanesan sidadaun ida ne'ebe maka moris iha nasaun ne'ebe deit inklui iha Timor-Leste ne'ebé iha direitu hanesan ho sidadaun sira seluk koalia kona ba direitu sidadaun hanesan absolutamente ka buat ne'ebé ita nia rasik no hetan protesau husi estadu direitu demokrátiku ida ne'e liu husi direitu ba moris direitu ba movimentasaun direitu ba saude direitu ba edukasaun direitu ba sivil, direitu ba politika no kultura ne'ebé maka ita nia estadu direitu demokrátiku iha garante ba sidadaun sira nia direitu hirak ne'e maibé sidadaun mós iha dever atu bele kontribui ba estadu direitu demokrátiku ida ne'e. Dever sidadaun maka hanesan sidadaun ne'ebé moris ka ejisti iha estadu direitu demokrátiku iha mós obrigatoriu tomak atu bele kontribui ba estadu ida ne'e, estadu direitu demokrátiku Timor-Leste mós iha obrigasaun tomak atu fasilita no fornese fasilidade hodi asegura no proteje ninia sidadaun tomak hodi bele asesu ba saude dezemvolvimentu polítika no kria pas ka halo polítika ne'ebé adekuaudu kria kondisaun ba infraestrutura inklui fasilidade eskola, asesu ba justisa no promove igualdade generu no sira seluk tan. Uain-hira sidadaun ida atu hatene nia direitu no dever iha estadu de direitu demokrátiku Timor-Leste tamba ne'e maka liu husi Konstituisaun RDTL artigu 3 koalia kona-ba sidadania no hamosu lei nú 9/2002 ne'e atu kesi metin relasaun husi sidadaun sira nia iha nasaun Repúblika Demokrátika Timor-Leste. Kuandu sidadaun ne'ebé maka hetan ona nia direitu nu'udár nasionalidade Timoroan sidadaun ne'e mós iha direitu no obrigasaun hanesan ho sidadaun original ka sidadaun nanis.

Konstituisaun artigu 3 ne'ebé koalia kona-ba sidadania no hamosu lei nú 9/2002 iha artigu 3 ne'ebé hateten katak Modalidade nu'udár timoroan bele orijinaria no adkirida ne hatudu katak iha nasaun ida ne'e aplika dupla sidadaun ka sidadaun rua mak hanesan sidadaun nanis no sidadaun husum ne'ebé mak iha ita nia lei nú 9/2002 garante hodi proteje sidadaun rua nia direitu no dever hanesan iha estadu direitu demokrátiku ida ne'e direitu ba saude, direitu ba edukasaun, direitu ba movimentasaun, direitu ba politika no mos asesu ba justisa iha nasaun ida ne'e.

## **KAPÍTULU II REVIZAUN BIBLEOTEKA**

### **2.2. Diferensaun Nasionalidade**

Nasionál mai husi liafuan báziku nasaun nasional hanesan nanis husi rai ne'e rasik no nasional mai husi liafuan báziku nasaun, nasional iha signifikaun iha klase noun ka noun atu nune'e nasional bele espresa ema ida nia naran, fatin, ka buat hotu no buat hotu ne'ebé objetivu.

Nasionál mak relasaun legál entre ema no estado. Nasionalidade fó jurisdisaun estado nian ba ema no fó protesau ba ema husi estado. Direitu no obrigasaun sira-ne'e la hanesan husi nasaun ida ba nasaun seluk.

Tuir alfândega no konvensaun internasionál sira, nasaun ida-idak iha direitu atu determina se mak sidadaun ida-idak nian Klasifikasaun ne'e hanesan parte husi lei nasional nian. Iha kazu balu, determinaun nasional mós regula husi direitu internasionál jerál por ezemplu, husi tratadu sira kona-ba estado no Konvensaun Europeia kona-ba Nasionalidade tékniku no legalmente la hanesan ho nasionalidade, ne'ebé mak relasaun legal ne'ebé ketak entre ema ida ho estado ida. Nasaun foun sira bele inklui sidadaun no la'ós sidadaun sira. Sidadaun sira iha direitu atu partisipa iha vida polítika nasaun nian, inklui liu husi votasaun ka pozisaun ba eleisaun. Maibé, iha nasaun modern sidadaun hotu-hotu mak sidadaun, no sidadaun tomak sempre sidadaun sira" Iha lia-ingles no língual seluk, liafuan nasional dala ruma uza atu refere ba grupu etniku (grupu ema ne'ebé fahe identidade etniku, língua, kultura, bei'ala, istória, no seluk tan). Ema ida-idak mós bele konsidera hanesan sidadaun grupu ida-ne'ebé iha estatutu autónomu ne'ebé desenvolve poder balun ba governu bo'ot liu.

## **KAPÍTULU III ESPLANASAUN PROBLEMA PRIMEIRO**

### **3.1. Diskrisaun Fatin Peskiza**

Objetivu husi peskiza ne'e mak atu esprika kona-ba artigu 3 husi konstituisaun (RDTL) ne'ebé mak difini liu ba sidadaun husun no sidadaun nanis iha estado Timor-Leste iha artigu 3 sidadania prefere liu iha prinsipiu ius sanguineus no prinsipiu ius solius tamba sidadaun sira ne'ebé atu hetan nasionalidade Timoroan liu husi prinsipiu ius Sanguineus mak hanesan sidadaun ne'ebé moris iha nasaun seluk maibe sidadaun ne'e iha direitu atu hetan nasionalidade timoroan tamba iha relasaun kona-ba Ra'an husi ina ka aman, no mos prinsipiu ius solius mak hanesan sidadaun sira ne'ebé laiha inan ka aman ema timoroan kuandu sira moris iha Timor sira mos iha direitu atu hetan nasionalidade nu'udár timoroan tamba hare'e liu husi fatin moris ka rai moris fatin.

Diresaun Jeral Servisu Rejistu no Notariadu nian Kna'ar Diresaun Jeral Servisu Rejistu no Notariadu nian ne'e mak dalan primeiru hare'e husi Diresaun Jeral Servisu Rejistu no Notariadu (DGSRN) ne'ebé rejete nu'udár funsaun husi gabinete Tribunal responsavel justisa nian atu hala'o no kordena faktus sira ne'ebé ministeriu justisa konkorda ona iha area dokumentasaun notariu rejistu sira ne'e duni kordena estudu fó konsellu kona-ba pasu projetu lejislative sira no estabesele padraun tékniku ne'ebé apropiadu hodi alkansa sira nia objetivu sira ne'ebé difini iha instrument planeamentu estratejiku no operacional sira. Kontribui ba integrasaun no kordenasaun comunidade sira ne'ebé bazeia ba objetivu atu hadia efikasie rejistu no servisu notariu sira fó konsellu ba passu tékniku no organizaun sira ne'ebé hatudu katak los no asegura komprimentu enkoraza no kria kondisaun sira ba protesau servisu ne'ebé eficiente lalais no kredivel hodi asegura seguransa legal no asesu ba servisu ba sidadaun hotu-hotu iha nasaun ne'e Promove asaun sira ne'ebé presija relasiona ho utilizaun no dezemvolvimentu patrimoniu no rekursu finanseiru sira ne'ebé aloka ba servisu sentral no urbanu Promove koperasaun ho orgaun governu oioin no orgaunnaun-governamental sira atu bele hala'o sira nia kna'ar ho diak liu ta servisu hamutuk ho entidade publiku ka privadu nasional no estranjeiru nune'e mos asegura reprezentasaun estado nian iha organizaun. Promove funsionamentu kompletu Servisu Diresaun jeral servisu nasionalidade nian, promove inovasaun modernizaun no efisiensia no implementasaun no organizaun ne'ebé diak no orienta servisu iha ninia implementasaun Kordenasaun no asegura kumprimentu ba planu asaun annual husi Diresaun Jeral Servisu Rejistu Nasionalidade (DGSRN) nian no ninia relatoriu asegura formasaun teknika ba kontinuasaun sistema servisu komputador ne'ebé relasiona ho sistema jestaun interna ne'ebé lao hela ka iha future kontinua hadia efikasie servisu rejistu no notariadu sujere pasu tékniku no organizaun spesifiku sira asegura responsabilidade bainhira optimiza Promove organizaun sistema hanoin ida ne'ebé koerente modern no komputador relasiona ho dokumentu no objetu istoriku no objetu sira seluk.

### **3.2. Sidadaun husun**

Sidadaun husun mak sidadaun sira ne'ebé la moris nanis hosi nasaun Repúblika Demokrátika Timor-Leste (RDTL) maibé uain-hira sira mai iha nasaun ida ne'e hala'o sira nia aktividade no sira mós iha relasaun ho timoroan hanesan kazamentu ka sira hela iha Timor-Leste tinan sanúlu (10) karik sira senti katak sira hetán benefisiu hosi nasaun ida ne'e no sira ho hakarak rasik husu atu hetán nasionalidade timoroan estadu Timor-Leste la limita sidadaun sira ne'e atu husu sira nia nasionalidade timoroan karik sira kumpre ona dever hosi lei ne'ebé mak estabesele ona iha estadu Repúblika Demokrátika Timor-Leste.

Antes sidadaun sira ne'e atu husu no hetán sira nia nasionalidade timoroan sira tenki prenze kriteria tolu (3) ne'ebé estabesele ona iha lei nú 9/2002 Lei ba Nasionalidade kriteria sira ne'ebé presija atu aprejenta sira nia an ba iha ministériu justisa mak hanesan, naturalizasaun no kazamentu ne'e mak sai hanesan baze fundamentu ida ba sidadaun sira ne'e hodi bele husu atu hetán sira nia nasionalidade timoroan, Kontribuisaun ne'e hanesan sidadaun ida ne'ebé mai iha Timor-Leste sakrifika nia an tomak liu hosi servisu ho fölin bo'ot no importante tebés ba nasaun ida ne'e estadu Repúblika Demokrátika Timor-Leste (RDTL) iha obrigatóriu hodi fó Prevelejiu ba sidadaun ne'e mak hanesan Orgaun Parlamentu Nasional iha kompetensia tomak halo pedidu ba iha Ministru Justisa depois Ministru Justisa depasu ba iha Diresaun Géral Servisu Rejistu Notariadu atu bele fórtifika sidadaun ne'e nia nasionalidade timoroan ou bele mós Parlamentu nasional fó privilejiu liu hosi kondekora ba sidadaun ne'e.

### **3.3. Limitasaun direitu sidadaun husun**

Sidadaun husun hetán ona nasionalidade nu'udár timoroan ne'ebé mak hosi lei nú 9/2002 Lei ba Nasionalidade hateten konserteza sidadaun husun mós iha direitu ho dever hanesan ho sidadaun nanis maibé iha mós limitasaun ba direitu balu ne'ebé maka estadu Timor-Leste la garante sidadaun husun atu bele kandidatu ba Presidenti Repúblika Timor-Leste tuir konstituisaun ártigu 75 (Elejibilidade) bele kandidatu ba Presidenti Repúblika sidadaun Timoroan no iha alinea a) hateten katak so sidadaun nanis deit, Sidadaun husun la bele kandidatu ba Presidenti Repúblika Timor-Leste tamba sidadaun ne'e föin mak husun hodi hetán nasionalidade nú'udár timoroan maibé estadu Timor-Leste seidauk garante sidadaun ne'e atu garante lala'ok estadu nia mak hanesan estabilidade, Demókrasia ba nasaun ida ne'e no estadu Timor-Leste seidauk garante ba sidadaun husun ba responsabilidade kuandu nasaun hetán problema bo'ot ka funú hasoru nasaun seluk.

Presidenti Repúblika mak aman ba nasaun no presidenti mak komandu supremo tamba ne'e atu garante estabilidade no Demókrasia ba nasaun ida ne'e no iha responsabilidade ba nasaun uain-hira hasoru problema ho nasaun seluk ka funú hasoru nasaun seluk so presidenti Repúblika mak buka solusaun ba nasaun atu moris hakmatek. Hosi konstituisaun Repúblika Demokrátika Timor-Leste ártigu 3 ne'ebé kóalia kona-ba Sidania hateten katak Timor-Leste iha sidadaun rua (2) mak hanesan sidadaun nanis no sidadaun husun no mós hosi ártigu 3 hodi hamósu lei espesifiku lei nú 9/2002 ho rajaun atu bele fasilita no haruka fila fali maluk timoroan sira ne'ebé uluk hosi tempu portugues no Indonesia ne'ebé mak halai ba nasaun seluk ka ita bolu refujiadu ba iha nasaun sira hanesan Angola Portugal Afrika Indonesia no nasaun seluk tan ne'ebé mak timoroan sira horik ba tamba deit situaun núne'e tempu to'o ona atu halo revijaun ba konstituisaun atu núne'e la bele fó impaktu ba sidadaun nanis iha futuru.

### **3.4. Direitu no liberdade sidadaun husun**

Direitu no Liberdade ba sidadaun sira ne'ebé mak hetán ona nasionalidade timoroan estadu Timor-Leste iha obrigasaun ba responsabilidade ba sidadaun sira ne'e tamba sidadaun sira ne'e mós hanesan ona sidadaun nanis timoroan maske sira laiha prinsipi ius sangeneus no prinsipi ius solius maibé sira iha sira nia nasionalidade hanesan timoroan konserteza sira mós iha direitu hanesan ho sidadaun nanis ne'ebé mak estadu Timor-Leste garante tuir lijitimidade ne'ebé mak entrada en vigor ona iha Timor-Leste.

Direitu hanesan, ba sidadaun sira hotu hanesan direitu edukasaun direitu saude direitu ba movimentasaun direitu ba politika direitu agrikultura inklui direitu sira seluk no mós asesu ba justisa iha nasaun ida ne'e konserteza sidadaun nanis no sidadaun husun iha direitu no dever hanesan iha estadu Repúblika Demokrátika Timor-Leste

(RDTL) maske iha direitu balu limita ba sidadaun husun tamba la garante ba responsabilidade hosi sidadaun husun uain-hira nasaun hetán problema ka difikuldade bo'ot.

## **KAPÍTULU IV ESPLANASAUN PROBLEMA SEGUNDU**

### **4.1. Difernte Sidadaun Nanis no Sidadaun Husun**

Sidadaun nanis mak sidadaun sira ne'e moris nanis iha Timor-Leste maske sira nia inan ka aman laos ema Timoroan ou inan aman laos ema timoroan maibé sira moris iha Timor hare hosi prinsipiu ius solius estadu Timor-Leste rekoñese sira mós sai hanesan sidadaun nanis tamba moris fatin ka moris iha Timor no mós oan sira ne'ebé biar moris iha rai seluk maibé sira nia inan ka aman ema timoroan ou inan aman ema timoroan estadu Timor-Leste rekoñese sira mós hanesan sidadaun nanis tamba hare hosi prinsipiu ius sangeneus/Ran.

Sidadaun husun mak hanesan sidadaun ne'ebé la moris nanis iha nasaun Timor-Leste no laiha relasaun ho estadu Timor-Leste hanesan prinsipiu ius solius no prinsipiu ius sangeneus maibé sira mai iha Timor-Leste halao sira nia aktividade karik sira iha relasaun ho sidadaun timoroan liu hosi kazamentu no mós sira hela kleur iha Timor no sira rasik hakarak husu atu hetán sira nia nasionalidade nú'udár timoroan maibé sira laos nanis timoroan tamba sira laiha prinsipiu ius sangenús no prinsipiu ius solius no sidadaun sira ne'ebé mai iha Timor-Leste halo servisu ho fólin bo'ot ba nasaun estadu Timor-Leste rekoñese sira nia sakrifisiu hodi fó nasionalidade nú'udár timoroan ba sira.

### **4.2. Prosesu Hetan no Lakon Nasionalidade**

Ministériu justisa hanesan instituisaun ida ne'ebé mak iha kompetensia tomak hodi fó hetán no lakon nasionalidade ba sidadaun sira hotu tantu sidadaun husun no mós sidadaun nanis iha territoriu Timor laran tomak tamba ne'e instituisaun ministériu justisa hanesan save ida ba sidadaun hotu hodi bele hatene sira nia nasionalidade tuir lei nú 9/2002 lei ba Nasionalidade, Ministériu justisa mós la limita ba sidadaun sira ne'ebé maka hakarak lakon nasionalidade nú'udár Timoroan no mós hetán nasionalidade nú'udár timoroan maibé sidadaun sira ne'ebé ho hakarak rasik hetán no lakon nasionalidade nú'udár timoroan sira mós iha dever atu bele prene rekizitus sira ne'ebé mak estabelese ona atu bele hetán legalidade ba sira nia nasionalidade, bazeia ba lei nú 9/2002 lei ba nasionalidade hatudu katak sidadaun sira ne'ebé ho hakarak rasik hodi hetán sira nia nasionalidade nú'udár timoroan liu hosi parte tolu (3) mak sai hanesan baze fundamentu ba sidadaun husun sira hodi bele hetán nasionalidade nú'udár timoroan

- kontribuisaun,
- kazamentu no
- naturalizasaun,

Sidadaun husun ne'ebé maka halo kontribuisaun ba iha estadu Direitu Demokratiku Timor-Leste (RDTL) liu hosi meius oioin ne'ebé maka ho prosesu ne'ebé bo'ot no importansia ba nasaun estadu Timor-Leste iha obrigatóriu tomak hodi bele fó nasionalidade nú'udár timoroan ba sidadaun ne'e maibé prosesu atu fó nasionalidade nú'udár timoroan ba sidadaun ne'ebé maka halo ona kontribuisaun ba nasaun ida ne'e liu hosi Orgaun Parlamentu Nasional diskuti iha meza parlamentu depois hetán aprovasaun hosi membru deputadu sira iha parlamentu nasional hafóin presidenti parlamentu nasional halo pedidu ba iha ministru justisa no despasu ba diresaun nasional servisu registu notariadu hodi bele fó legalidade nasionalidade ba sidadaun ne'ebé maka servisu ho fólin bo'ot ba nasaun tuir 13 ártigu lei nú 9/2002 Lei ba Nasionalidade.

Sidadaun ne'ebé mak mai iha Timor-Leste no iha relasaun ho timoroan hanesan kazamentu uainhira sidadaun ne'e hakarak hetán nia nasionalidade nú'udár timoroan estadu rekonesse tuir lei nú 9/2002 Lei ba Nasionalidade ártigu 11 hateten katak hetán nasionalidade liu hosi kazamentu maibé presija mós prene rekezitus sira iha instituisaun ministériu justisa, diresaun nasional servisu registu notariadu mak hanesan sidadaun ne'e tenki hatene lian ofisial tuir konstituisaun RDTL no mós konta hosi kazamentu durante timan lima hela lakotu iha Timor-Leste hodi sai hanesan prova ida hodi sidadaun ne'e bele hetán legalidade nú'udár timoroan. Uain-hira sidadaun husun ida ne'ebé mak ho hakarak rasik atu hetán nasionalidade nú'udár timoroan maibé liu hosi naturalizasaun estadu Timor-Leste mós la limita tuir lei nú 9/2002 lei ba nasionalidade ártigu 12 hateten katak

hetán nasionalidade liu hosi naturalizasaun maibé sidadaun husun presija prenze rekeztus sira hanesan hela metin iha Timor-Leste durante tinan sanúlu (10) hela la kotu ka molok lora 7 fulan dezembru tinan 1975 no mós hahu hosi lora 20 fulan maiu tinan 2002 tenki hatene lian ofisial, istoria no kultura timor nia atu núne'e sidadaun husun bele hetán nia nasionalidade nú'udár timoroan liu hosi naturalizasaun. Iha lei nú 9/2002 lei ba nasionalidade ártigu 14 hateten katak lakon nasionalidade la taka dalan ba sidadaun timoroan ne'ebé mak ho hakarak rasik atu lakon nasionalidade nú'udár timoroan maibé uain-hira sidadaun timoroan ida ne'ebé ho hakarak rasik halakon nasionalidade nú'udár timoroan liu hosi parte rua (2) mak hanesan kontribuisaun ho fólin ne'ebé bo'ot ba nasaun seluk no mós hakarak rasik lakon nasionalidade nú'udár timoroan. Uain-hira sidadaun timoroan ne'ebé maka ba iha nasaun seluk halo servisu ho fólin bo'ot no importante ba nasaun refere estadu Timor-Leste iha kompetensia tomak hodi bele halakon sidadaun refere nia nasionalidade nú'udár timoroan, Estadu Timor-Leste konsidera sidadaun timoroan ne'ebé servisu ho fólin bo'ot no importansia ba nasaun seluk sein autorizasaun hosi estadu Timor-Leste mak hanesan militar, polisia no funsionariu estadu Timor-Leste liu hosi embaisador Timor-Leste komunika ka infórma mai iha estadu Timor-Leste hodi halakon nia nasionalidade nú'udár timoroan. Sidadaun nanis ka sidadaun timoroan ne'ebé mak ho hakarak rasik hodi halakon nia nasionalidade nú'udár timoroan estadu Timor-Leste mós la bandu maibé antes sidadaun ne'e atu halakon nia nasionalidade nú'udár timoroan sidadaun ne mós hetán ona nasionalidade nú'udár sidadaun hosi nasaun seluk antes sidadaun ne'e ho hakarak rasik halakon nasionalidade presija ba aprejenta no halo pedidu ba iha ministru justisa depois hosi ministru justisa halo despasu ba iha direasaun nasional servisu rejistu notariadu hodi bele halakon sidadaun refere nia nasionalidade nú'udár timoroan, Sidadaun sira ne'ebé iha Timor-Leste uain-hira sira nia oan moris iha Timor nú'udár inan ho aman iha direitu hodi bele halakon oan nia nasionalidade timoroan atu bele hetán fila fali nasionalidade hosi nasaun seluk. Iha lei nú 9/2002 mós la limita ba sidadaun husun atu hetán fila fali nia nasionalidade uluk no mós sidadaun nanis sira ne'ebé ho hakarak rasik lakon nasionalidade nú'udár timoroan no hakarak rasik atu hetán fila fali nasionalidade timoroan, uain-hira sidadaun husun ne'ebé maka hetán ona nasionalidade nú'udár timoroan liu hosi kontribuisaun bele mós naturalizasaun no mós kazamentu kuandu la senti satisfás iha nasaun ida ne'e sidadaun husun iha direitu atu bele halakon fila fali nasionalidade timoroan hodi hetán fila fali nianasionalidade uluk. No mós sidadaun nanis sira ne'ebé lakon ona nasionalidade timoroan hodi hetán fila fali nasionalidade nasaun seluk uain-hira sidadaun nanis ne'e hakarak khetán fila fali nasionalidade nú'udár timoroan Ministru Justisa bele deside hodi ema ne'e hetán fila fali nasionalidade, bainhira de'it nia hela metin iha Timór hale'u tinan lima. Bainhira inan aman ho hakaran rasik liu hosi deklarasaun vontade halakon nasionalidade oan sira-nian nú'udár timoroan tanba sei kiik, oan sira-ne'e iha direitu atu husu fila fali sira nia nasionalidade nú'udár timoroan, bainhira tinan bo'ot ona, maibé tenke hatudu prova katak sira hela iha timór hale'u tinan ida atu núne'e ministru justisa hodi fó hetán fila fali nasionalidade ba sidadaun ne'ebé maka hakarak rasik hetán fila fali nasionalidade timoroan.

#### **4.3. Obrigasaun Husi Sidadaun**

Sidadaun nanis ne'ebé moris nanis iha Timor ou inan ka aman ema Timor maske oan moris iha nasaun seluk, sidadaun sira ne'e iha obrigatóriu tomak atu bele halo tuir sira nia direitu ho dever ne'ebé mak estadu Timor-Leste estabele no garante ba sidadaun sira hotu iha territoriu Timor laran tomak no mós sidadaun sira ne'e iha obrigatóriu ba direitu atu kontribui ba nasaun Timor-Leste tamba sira la lakon sira nia nasionalidade nú'udár timoroan konserteza sira nafatin sidadaun nanis Timor nian. Sidadaun ne'ebé hetán ona nasionalidade nú'udár timoroan sidadaun sira ne'e iha mós obrigatóriu tomak atu bele halo tuir sira nia direitu ho dever ne'ebé estadu Timor-Leste estabelese ona tuir lejitimidade ne'ebé mak vigor ona iha estadu Repúblika Demokrátika Timor-Leste sidadaun sira ne'e mós iha obrigatóriu atu bele kontribui ba estadu Timor-Leste liu hosi aréa oi-oin hanesan politika agrikultura edukasaun saude no seluk tan no mós sidadaun sira ne'e iha obrigatóriu tomak ba responsabilidade nasaun ida ne'e tamba sidadaun sira ne'e iha ona relasaun juridika ho estadu Timor-Leste tamba sira ho hakarak rasik husu sira nia nasionalidade nú'udár timoroan.

#### **4.4. Efeitu Sai Sidadaun Timor-Leste**

Efeitus sira hosi sidadaun nanis ne'ebé mak lakon ona sira nia nasionalidade nú'udár timoroan maske lakon liu hosi kontribuisaun ba nasaun seluk sein autorizasaun hosi estadu Timor-Leste no mós sidadaun nanis sira ne'ebé ho hakarak rasik lakon sira nia nasionalidade nú'udár timoroan konserteza estadu Timor-leste laiha ona

responsabilidade ba sidadaun sira ne'e tamba laiha ona relasaun juridika ho estadu Timor-Leste karik sidadaun sira ne'e komete aktu ruma iha nasaun ne'ebé sira iha ba ka nasaun seluk sira tenki iha responsabilidade ba sira nia an rasik no mós nasaun ne'ebé iha relasaun juridika ho sira ne mak iha kompetensia ba responsabilidade sidadaun sira ne'e. No mós sidadaun husun ne'ebé mak ho hakarak rasik atu hetán sira nia nasionalidade nú'udár timoroan estadu Timor-Leste iha kompetensia tomak atu bele iha responsabilidade ba sidadaun sira ne'e karik sira komete aktu ruma iha nasaun seluk tamba sidadaun sira ne'e iha ona relasaun juridika ho estadu Timor-Leste sidadaun sira ne'e mós tenki kumpre no simu konsikuencia tuir lejitimidade ne'ebé mak estadu Timor-Leste estabelese ona karik sira komete aktu ruma iha nasaun Timor-Leste.

## **KAPITULU V KONKLUZAUN NO REKOMENDASAUN**

### **5.1. Konkluzau**

Konstituisaun Repúblika Demokrátika Timor-Leste (KRDTL) ártigu 154 kóalia kona-ba (Inisiativa no tempu halo revizaunnian) número 2 hateten katak Parlamentu Nasional bele halo revizaun Lei inan liu tiha tinan neen (6) sura hosi data públikasaun ida ikus liu kona-ba lei revizaun nian ho razaun tamba Konstituisaun ártigu 3 kóalia kona-ba (Sidania) no hamósu lei nú 9/2002 kóalia kona-ba (Lei ba Nasionalidade) tamba laiha vantagen ka benefísiu hare hosi parte prinsipiu ius soliu. Relasiona ho konstituisaun artigu 154 ne'ebé fo autorizasaun ba parlamentu nasional bele halo revizaun ba konstituisaun ho nune'e peskizador hakarak rekomena no konklui kona-ba lei nú 9/2002 lei ba nasionalidade ne'ebé peskizado hala'o peskiza ona.

Relasiona hosi rezultadu ne'ebé mak peskizador hala'o peskiza iha Ministériu Justisa Diresaun Géral Servisu Rejistu Notariado ho nune'e peskizador hakarak konklui deit katak estadu Timor-Leste iha responsabilidade ba sidadaun sira ne'ebé hetan ona nasionalidade timoroan no estadu Timor-Leste laiha ona responsabilidade ho sidadaun ne'ebé mak lakon ona nasionalidade timoroan tamba laiha ona relasaun juridika husi estadu ba sidadaun ne'e rasik kuandu sidadaun sira ne'ebé hetan ona nasionalidade timoroan sidadaun sira ne'e tenki iha responsabilidade karik aktu ruma ne'ebé sira halo ona kontra lei ne'ebé mak estadu Timor-Leste estabele no garante ona ba sidadaun sira nia direitu ho dever no mos estadu laiha ona responsabilidade ba sidadaun sira ne'ebé lakon ona nasionalidade timoroan karik sira komete aktu ruma iha nasaun seluk so deit nasaun ida ne'ebé sidadaun ne'e iha relasaun juridika ne'e mak iha responsabilidade tomak ba sidadaun ne'e.

### **5.2. Rekomendasaun**

Relasiona husi peskiza ne'ebé durante ne'e Peskizador hala'o peskiza kona-ba Lei ba Nasionalidade ho nune'e peskizador hakarak rekomena ba Estadu Repúblika Demokrátika Timor-Leste liu hosi Orgaun Lejislativu Parlamentu Nasionalatubele halo alterasaun ba lei refere tamba laiha benefísiu ba sidadaun no nasaun ne'e rasik. Se karik Orgaun lejislativu parlamentu nasional laihasposibilidade atu altera lei refere ho nune'e peskizador nafatin rekomena ba parte competente atu bele kria regulamentu ida ne'ebé difísil ba sidadaun sira ne'ebé atu hetán nasionalidade timoroan liu hosi prinsipiu ius solius no mos presija kria lei imigrasaun ba sidadaun estranjeiru atu nune'e sidadaun estranjeiru mos la bele iha direitu sai hanesan sidadaun nanis uain-hira sidadaun estranjeiru mak sai hanesan sidadaun nanis tamba deit moris fatin sei fó impaktu ba sidadaun timoroan iha futuru.

### **Referénsia ne'ebé utilize iha peskiza ne'e mak hanesan**

#### **I LITERATURA**

Ridwan HR, 2011, *Hukum Administrasi Negara*, Rajawali Pers, Jakarta.

Ni'matul Huda, *Ilmu Negara*, Raja Grafindo, Jakarta, 2014.

Eddy Purnama, *Negara Kedaulatan Rakyat*, Nusamedia, Jakarata, 2007.

Et.all.

Ni'matul Huda, *Ilmu Negara*, Rajagrafindo, Jakarta, 2014.

Et. All livru "Les Regimes Politiques".

H. riduan Syanharani sh, rankuman intisari ilmu hokum bandung 2003

Ibid, hlm 17

Ubaed Illah dan Abdul Rozak, pendidikan kewarganegaraan pancasila, Demokrasi, HAM, dan Masyarakat Madani, (Jakarta: Prenada Group, 2003).

Philipus M. Hadjon, 2005, *Pengantar Hukum Administrasi Indonesia*, Gadjah Mada University Press, Yogyakarta.

Moelyanto. Asas-asas Hukum Pidana. Jakarta

Salim, dan Erlies Septiana Nurbani, 2016, *Penerapan Teori Hukum Pada Penelitian Tesis dan Disertasi*, Raja Grafindo Persada, Jakarta hal.33

Ibid, Ko Swawsik (1957).

Soerjono Soekanto, 2007, *Pengantar Penelitian Hukum*, Universitas Indonesia.

## II. LEIS SIRA:

Konstituisaun RDTL

Lei ba Nacionalidade nú 9/2002

## III. INTERNET:

<https://adulkuliahpmh8.blogspot.com/2014/04/teori-kewenangan-dan-sumber-sumber.html>

<https://www.studinws.co.id/12-pengertian-kewarganegaraan>

<http://www.kompas.com/skola/read/2022/07/05/090000369/pengertian-asas-ius-sanguinis-dan-ius-soli>.

<https://www.hukumonline.com/klinik/a/hak-asasi-manusia-pengertian-sejarah-dan-prinsipnya>

[https://www.studocu.com/id/document/universitas-terbuka/hak-asasi-manusia-ham/prinsip-prinsip-hak-asasi-manusia/test=prinsipNondiskriminasi\(nondiskriminasi,diperlukansecarasiswa](https://www.studocu.com/id/document/universitas-terbuka/hak-asasi-manusia-ham/prinsip-prinsip-hak-asasi-manusia/test=prinsipNondiskriminasi(nondiskriminasi,diperlukansecarasiswa)

<https://id.wikipedia.org/wiki/Kebebasan>

[https://id.wikipedia.org/wiki/Kebangsaan#Kebangsaan adalah hubungan orang yang berbagi](https://id.wikipedia.org/wiki/Kebangsaan#Kebangsaan_adalah_hubungan_orang_yang_berbagi)

<https://id.wikipedia.org/wiki/Kewarganegaraan#:~:text=Kewarganegaraan>

[https://www.gramedia.com/literasi/warga-negara/Fungsi warganegarayang yang ingindicapainya](https://www.gramedia.com/literasi/warga-negara/Fungsi_warganegarayang_yang_ingindicapainya)

<https://www.gramedia.com/literasi/implementasi/mempengaruhiwarganegara.Friedrich,untukmencapatujua nataumencapaitujuanyangdiinginkansehinggamencapaitujuan..-TujuanImplementasi>



